

25 Aprile.

CANZONETTA POPOLAR

DEI ARSENALOTTI.

Lavoremo, lavoremo

Sti trabacoli e vapori:

Su sti legni i tre colori

Col Leon sventolarà.

Deghe drento, deghe drento,

No perdè gnanca un momento:

Sti bei legni terminemo;

Presto fora i sortirà.

Al lavoro atento stà,

Marangon e calafà.

Bastonà, tegnudo a steco

Nele sgrinfè de quei cani

El Leon trentatrè ani,

Co San Marco gera stà.

Ma po un urlo cussì grandò

Trato el ga, che via svolando

La bestiona a dopio beco

Ga Venezia abandonà.

Al lavoro atento stà,

Marangon e calafà.

Ah! San Marco benedeto,

Ricordeve chi nu semo:

In vu tutti confidemo,

Che sia salva sta cità.

Liberene dai nemici,

Fè che siemo alfin felici . . .

No, el Leon da Vu proteto

Più croato nol sarà.

Al lavoro atento stà,

Marangon e calafà.